

միշտ արիւնակցական կապերով կապուած էին, միեւնոյն կրօնն ունէին, իրար շատ հասկանալի լեզուով էին խօսում: Սրանց վերայ պէտք է աւելացնել, որ Աքեմենեանները իրենց աղջիկներին սովորաբար տալիս էին քաջ իշխաններին, որեւէ յաղթանակից յետոյ եւ նրանց յանձնում էին որեւէ կուսակալութիւն: Քանի որ պատմագիրները զրել են թէ արիւնակցական կապ է եղել Արշակունիներին եւ Աքեմենիդներին մէջ, ինչէն թաղրել, որ Արշակի, Տրդատի մայրը կամ մամը կարող էր լինել Աքեմենեան տոհմից:

Ինչ էլ որ լինի, ենթադրութիւնները եթէ մի կողմ թողնենք, Ճորոխի Աւագանի լեռները, քարերը, գեղերը, առուակները, ո՛չ թէ մի, երկու, երեք տեղ, այլ քսան եւ աւելի տեղ վկայում են, որ իրենք Պահլավների անուանադրածներն են, Պահլավ-Պարթեւների օթեւանը եւ բնակավայրն են եւ այդ տոհմը ծնել, զարգացել եւ տարածուել է այս աշխարհից: Ինչպէս յայտնի է կուսակալ-սատրափը որեւէ վիճակի վարիչ գնալիս, նա մենակ չէր գնում, այլ ընտանիքով, զաւակներով, եղբայրներով եւ մեծ գունդ 500—1500 սեպուհներով: Հին ժամանակները, ինչպէս եւ ներկայիս իրանում հիմնարկութիւն չկայ, վարիչ սատրափը ինքն իր հետ տանում էր իր ազգականներին, մտերիմներին եւ վստահացածներերին, որոնց յանձնում էր երկրի գաւառների վարչու-